

ramtharchanchinbu@gmail.com

Estd : 1984

RAMTHAR (Mission)



December 2010



Pathian duhzawnga Krismas hman 16

Editorial Board 2010

| | | | |
|----------------------|---|----------------------|----------------|
| Editor | : | Upa Zoramthanga | 9436362385 (M) |
| Joint Editors | : | Upa R. Lalmalsawma | 9436154179 (M) |
| | | Upa Lalhriata | 9863226630 (M) |
| News Editor | : | Pu Lalbiakênga Fânai | 9436366234 (M) |
| Manager | : | Ni. H. Lalngûrliani | 9774390980 (M) |
| Publisher | : | Rev. Lalchhuanmawia | 2325899(O) |

Member-te

| | |
|-----------------------|---------------------------------|
| Rev. C. Chawngliana | Synod Moderator |
| Upa Vanlalhuma | Synod Secretary (Sr.) |
| Rev. Lalzuithanga | Executive Secretary i/c Mission |
| Rev. K. Lalhmuchhuaka | BEC member |
| Upa C. Malsawmkima | BEC member |

Kum khat lak man Rs. 45.00

- * A bu la duh leh a man pe duh chuan Ni. H. Lalngûrliani, Manager, Ramthar, Synod Office, Aizâwl-796001 hriattir tûr.
- * Ramthar chanchinbua thu chhuahte hi a ziaktu mawhpurhna a ni.
- * Thu chhuah tûr chu phêk lehlam chauhva ziakin Editor, Ramthar, Synod Office, Aizâwl-796001, Mizoram, India hnênah thawn tûr.

A CHHUNGA THU AWMTE

| | |
|---|----|
| 1. Editorial | 3 |
| 2. Keimahni | 4 |
| 3. Chanchin lawrkhawm | 5 |
| 4. <i>Buhmun atangin</i> | |
| 1) Taiwan lam atangin | 8 |
| 2) Boleng Bial Healing Crusade Report | 10 |
| 5. A kang duai duai e | 14 |
| 6. Sunna : Pi C. Lalhmangaihzuali kan then ta | 16 |
| 7. Sermon : Pathian duhzawnga Krismas hman | 18 |
| 8. Tan lak angai Ramthar thilpekah | 21 |
| 9. Zawnha leh Chhanna | 22 |
| 10. India ramah Lal Isua thlen in a vang | 23 |
| 11. Ramthar Ni hman dan | |
| 12. Chibai ule..... | |

Editor thuchang

Krista sipai huaisen, a ṭalna hmun apianga Chanchin Ṭha puang tūra inpe Missionary zawng zawng te, Ramthar Chanchinbu chhiara min hlutsak ṭhinte leh thu chhuah tūr ṭha tak takrawn buatsaih ṭhin te Ramthar Editorial Board hmingin kum 2010 Krismas chibai akn bûk a che u.

He khawvel suala tlu tawh tungding leh tūra Pathian ropuiber a thilsiam mihringa lo chang a, ranthleng hmun tlawm bera a pian champha chu thlasik anga khêl lovin a lo her chhuak leh dawn ta. He hun lawmawm tak a lo thlen dawn avang hian mi tin mai rilru tihtharin a awm leh ta mêk a. Kan in leh lo te kan chei mawi a; Kohhranhote'n Lal piang chibai bûkna tūr programme chi hrang hrang an ruahman a. Ṭhalai leh tleirawl rualte'n he nia inbel tūr thawmhnaw mawi tak tak ngaihtuahin nghakhlel takin an thlir mêk bawk a. Kan inbuatsaih dan aṭang hian Krismas awmzia leh a thil tum kan hriat dan inan lohzia a lang chiang hle âwm e.

Chunglam programme-ah chuan he mi niah hian Hmangaihtu Pathian ngei chuan Van ropuina thuam chu hlîpin a thilsiam mihringah lo changin, bawih angah a rawn insiam a. Khawvela a mission hna chu rawn ṭan a, mihring suala tlu tawh min zawng chhuak tûrin "Krismas tak tak" a rawn hmang a, "Vanram Missionary Day chu hman a ni ta," tiin Vantirhkohte'n an rawn puang ta a nih kha! (Lk. 2:11).

Pathian hmangaihna famkim chu thu mai ni lovin, a takin Krista-ah kan hmu ta. Ani chuan a mission zin kawng chu Bethlehem ranthlêngah ṭanin hrehawm tinrêng a tuar a; Kalvari tlângah a hna chu a hlen chhuah thu a puang ta a nih kha.

Kum zabi khat aia rei Krismas kan hman tawh hnu hian, keimani ṭheuhah Krismas thil tum leh a thuchah hi eng nge ni? tih ngaihtuah thar a hun tak zet a ni. He hun hi mite tâna malsawmna leh a ṭul ang apianga kan inpêkna ni ni ṭheuh thei se a ṭha mang e. Lalpa hmangaihte, Chanchin Ṭha la hre ve lote kan hriattirna hun ṭha ni se; mi chanhai leh damlote ṭanpuia mahni ngei kan pên chhuah theih chuan Krismas hman dan tūr example min petu chu a lungawi ngeiin a rinawm.

K E I M A H N I

1. **Ramthar Board Committee wawi 137-na:** October ni 21-22-a ðu chuan thu tam tak an rel zingah hengte hi a tel:- 1) Dar-UI-Fazl leh Santiniketan Children's Home ðanpuina a ðul ang zela *lump-sum grant*-a p k te, (2) Manipur Area hnuai awm ðin Assam leh Arunachal Field an tih Jonai leh a chhevvela mite Synod Ramthar Board hnuai an awm dan t r kaihhruaina BEC-in a siam chu pawm a nih thu te, (3) Nepali Evangelical Fellowship chu Synod Mission Board hriatpuina leh enkawl na hnuai awm an dilna remtihsak thu te, (4) Kan school-a zirlaite Study Tour neihpui t ra BEC-in a rawtna pawm thu te, (5) Longnit Borjan School, Karbi Anglong Field-a mi chu an dil angin Board-in lak remti thu te, (6) Kum 2011-a Missionary Retreat chu kum dang ang lo deuhvin a **Region**-a in thenin Retreat neih ni se tih te, (7) Missionary Evangelist-te Fixed TA chu Financial Year thar a anga Rs 100/-a tihbelh thu te, (8) Hermon English School (Tripura) chu SMB-in lâk remti thu te, (9) Himali Kohhran rawngbawl na SMB-in lâk remti thu te, (10) Lucknow Field, Manipur Field leh Arunachal & Assam Mission Field hnuai Pastor Bial thar pakhat ðeuh hawn Synod Pastoral Committee-a thlen t ra rawtna te (11) Synod Mission Board hnuai kan missionary, mission pawl dang, partnership kan neihpuitea thawkte, an thawhna mission-in hetiang lam ham hatna a p k lohte chu Danin a phal angin MR leh CEA p k ve thu te, (12) Medical lama thawkte t n refresher course neih thu te (12) Contract missionary-te'n ni 30 leave an neih b kah nau neite'n maternity leave anga ni 15 chawlh p k belh theih a nih thu te, (13) Kan Manual Schedule 23:1(2)-in a sawi angin kohhran puitling ni t rin Full Member (Dan zawhkim) 35 awm chin, a aia tl m chu Preaching Station-ah siam t ra ni tih thu te a tel.

Board Committee-ah hian Presbytery aiawh - 57, Synod ruat - 5, K P aiawh - 1, Kohhran Hmeichhe aiawh - 1, Ex-Officio - 10, an vaiin 74 an tel.

2. **Innei thar:** Kan Missionary te Evan. Teacher Lalrinkima Hahnar, Malsuri, Home Mission 'S'-a thawk leh

H.Lallawmzuali, Evangelist Nurse, Ngechang, Arunachal & Assam 'E' Field-a thawkte chu ni 29.10.2010 khan an innei a. Kan lawmpui rualin fanau maltluan chawia damchhunga rawngbawl dun tûrin SMB-in kan duhsak e.

3. M.A pass thar: Pu Lalnghinglova, Asst. Headmaster, LCM H/ S, Moiranga-a thawk chuan IGNOU aţangin MA (Pol. Sc) I Class-ah a pass tih report kan dawng a. A hlawhtlinna kan lawmpui e.
4. **Synod Office thar hawn a ni ta:** Synod Office thar tûr chu ni 11.11.2010 (chhun dar 02:00) khan Synod Moderator Rev. C. Chawngliana'n a hawng ta. Kum thara luah tûrin ruahman a ni a. Ramthar enkawltute chu 2nd floor, Mizopa chhiara a chhâwng thumnaah ţu tûra ruahman a ni. Kumin 2010 chhung hi chuan Synod Conference Centre hi luah zel rih tûra tih a ni.

CHANCHIN LAWKRHAWM

1. **Iraq ramah Biak In bomb chhiat a ni:** Kumin thla hmasa thla tir lam khan Iraq rama Kristian thite sùn tûra Syrian Catholic Biak Ina Kristian 100 vel zet pungkhawm chu Islamic firfiak mi 8 velin bomb hmangin an bei a. Police duty-te pawh an kahhlum bâkah an car pawh an bomb chhe vek niin Associated Press chuan a târlang a. He rama Kristiante beih tawhnaah chuan a râpthlâk ber pawl a la niin an sawi. He beihnaah hian puithiam 3 bâkah Kristian dang ţahnem tak leh police engemaw zât an thi a ni.

Bishop Georges Casmoussa chuan he thil thleng hian a rilru a tihnat thu a sawi a. "He thil thleng hi mimal leh Kristiante tân tuarna nasa a tling tak meuh va. Kan unaute kan sùn hi a na takzet a. He rama Kristiante'n him ve tûra an inngaihna rilru pawh a tihnam nasa hle a ni," tia sawiin Kristian tam takin Iraq ram an chhuahsan phah a rin thu a sawi bawk. Tun ţum hi kum 2003-a Islam firfiakhovin Kristiante an beih hnua Kristiante beihna râpthlâk ber nia ngaih a la ni.

Christian Post.

2. Bangladesh ramah Kristian-te'n kut an tuar: Thla hmasa khan Bangladesh rama Muslim mi thenkhatin Kristiana inlet, Aynal Haque (63) leh a fapa Lal Miah (22) te'n Muslim-a kir leh tûra sawmna an hnar fithlâk avangin nasa takin an sawisa.

Aynal Haque te chungkua hi Sadhu Hati Para kua (Dhaka khawpui aṅga km 150 vela hla)-a cheng an ni a. Ani hi Kristiana a inleh hma pawhin Kristian tlawmngai pawl pakhat, Way of Life Trust-ah a thawk thin. An pafa hian kumin October thla tîr tê khan Kristian-ah an inlet a. An khuua mite chuan Muslim-a inlet leh tûrin an thlêmin an vau a. Mahse, Kristian sakhua chhuahsan an tum tawh lo tih an hriatin kut an thlâk ta a ni. Muslim-ho chuan Aynal Haque-a te pafa chu Islam sakhua zah lo leh an lehkhabu thianghlim Quran tibawrhângah an puh bawk niin Haque-a te lam hnai tak pakhat chuan a sawi.

Aynal Haque-a te pafa hi an zâm bik lo. “Kristian sakhua hi chhia leh tha hriatna thiang tak hmanga thlanga zawm kan ni a, tharuma beihna vanga chhuahsan leh mai mai tûr kan ni lo. Kristian kan ni ta hi Islam sakhua zah lohnaah ka ngai lo va; khuua mite hian eng thu pawh lo sawi se, dâwt phuahchawp mai mai a ni. Vawksa eiah leh Quran tibawrhângah min puhin ngaihdam dil tûrin min nawr a; mahse, kir leh kan tum tawh lo tih an hriat chian hnuah kut min thlâk ta a ni. Eng ang pawhin min ti rawh se. Kan thâwk theih chhûng chu Kristian sakhua hi kan chhuahsan dawn lo a ni,” an ti.

Compass Direct News

3. Eritrea ramah Kristiante'n hlim takin Krismas an hmang ang em?: Eritrea ram thuneitute'n an ram chungga dan lova Kristiana inlette chu an ram aṅga hnawhchhuah beihpui thlâk an tum nia thuthang a awm avangin he rama Kristian-te'n Krismas an hman dan tûr a Chiang lo hle niin *Release International* chuan a sawi.

Release Eritrea director, Selam Kidane chuan London-a press mite a kawmnaah Eritrea sawrkar chuan heng dan lova Kristiana inlette hi Krismas bawr velah an ram ata hnawh chhuah runpui neih an tum niin a sawi avangin Krismas an hman dan tûr a tihbuai vek tûr thu leh he rama Kristian-te rilru a tih-chiai thu a sawi a. “Tunah hian Eritrea sawrkar chuan Kristian 3,000 zet tân inah a khung mêk

a. He rama Kristian sakhua tihbo vek a tum avangin nasa taka hma lain Kristian hruaitute chhan leh leh vâng bulbal awm lovin an man a; nasa taka an sawisak thin bâkah tân inah an tântir thin a ni. Eritrea sawrkar chêt dan hian N. Korea chêt dan a ang hle a ni,” a ti bawk.

Kristian an mante hi thenkhatte chu an kut leh ke an hnunglama tawn betin ceiling-ah an khai a, a then Isua khenbeh angin kraws-ah an khengbet ve thin. Thenkhat erawh chu tuizem lian, lum êm êm ah an khung bawk. Eritrea ram Kristiante'n hlim taka Krismas an hman theih nan i tawnngtaipui ang u.

Christian Today

4. Pakistan ram court-in Kristian hmeichhia thi tûrin a rel:

Pakistan hmeichhia Kristian pakhat, Asia Bibi chu Muslim-ho pathian sawichhiaah puh a nih avangin Punjab session court chuan thi tûrin a chungthu a rel a. Pakistan ram court-in Kristian hmeichhia thi tûra a chungthu a rel hmasak ber a ni.

Asia Bibi (30) hi ni tin inhlawha ei zawng a ni a. Nikum June thlaa a inhlawhpuite chuan Islam-a inlet leh tûrin an nawr a. Bibi chuan zâm hlek lovin, “Mihring سوالنا tlan tûrin Isua chu kraws-ah a thi a. Muslim-ho pathian Mohammad-a chuan mihringte tan eng thil nge a tih ve?” tiin Muslim hmeichhiate chu a cho lêt a. A inhlawhfâkpuite chuan Mohammad-a sawichhiaah puhin a lakah thubuai an ziak lût ta a ni.

A thu sawi avang hian Muslim-ho chuan Bibi chu manin nasa takin kut an thlak bakah pindanah an khung a; a fate pawh kut an thlak bawk. A thubuai hi an ngaihtuah lawk lo va, thla hmasa khan court chuan thi tûrin a chungthu a rel ta a ni.

Khawvel ram hrang hranga Kristian-te tuarna târlang thin *Release Internastional* hotupa, Andy Dipper chuan court thutlûkna hian a barakhaih thu a sawi a. “Pakistan hi Kristiante lakah ramri pelin a kal ta a ni,” a ti hial a ni. Hetiang kârah Asia Bibi hi nghet taka a din theih nan leh chakna a neih theih nan khawvel puma Kristian-te chu tawnngtai tûrin a ngen bawk a ni.

Christian Today

Buh hmun aṭangin :

TAIWAN LAM AṬANGIN

Rev. Zaidarhzauva

Pathian khawngaihna zarah kan rawngbawlna a kal tuang zel a. Tun hnai deuhva kan rawngbawlna chanchin tlangpui ka han târ lang leh e. Min lo ṭawngṭaipui zel dawn nia.

Baptisma chang thar kan nei: August 22, 2010 Pathianni khan kan kohhran chuan Baptisma leh Lalpa Zanriah kan buatsaih a; mi 4, Mr. Nyou Fu-Sying leh a fate 3-in baptisma an chang. Hun rei tak chhung chu Mr. Nyou-a hian baptisma a chang mai duh lo a, mahse a thinlunga Pathian Thlarau hnathawh avangin baptisma chan ve a lo duh ta a ni; a nupui hi chuan tun hma deuh khan baptisma a lo chang tawh a ni. An chhungkuain Kristian, baptisma chang vek an lo ni ta a, an hlim tâng hle mai. Nyou-a hian rilru leh tihtakzetin baptisma a chang niin a lang, hnuk ulh, mittui tla chungin baptisma a chang a ni. A fate 3 nen baptisma an chan zawh hian Pastor leh Upate'n lawm luhna chibai kan bûk a, thla te la hovin baptisma certificate kan pe nghal bawk.

Hemi hnu hian Lalpa Zanriah Sakrament kan kil leh nghal a; kan kohhran a tê bawk a, hei hi kan nei kawp fo thin rêng a ni. Kohhran Upa 2,

hmeichhia ve ve kan nei a; Tual Upa 5, mipa pakhat leh hmeichhia 4 kan nei bawk. Upa 2-te hian Chhang leh Uain semah min pui a, hlim takin he ni hi kan hmang. Inkhawm ban hma, programme dang kan tih zawh vek hnu chuan damlo leh harsatna bik nei ṭawngṭaisak mamawh zualte tan a bika ṭawngṭaisakna kan nei a. Hma lama lo chhuak tûra kan han puan chuan rin aia tam daih an lo kal ta mai a, an chung a kut nghatin kan ṭawngṭaisak a, hlim takin kan ṭin ta a ni.

Presbyterian Fasting Prayers (Chawnghei Ṭawngṭai): July 31, 2010 (Inrinni) khan kan thawhna Paiwan Presbytery buatsaihin Chawnghei Ṭawngṭai Inkhawm neih a ni a; a hmun atan Pingtung khawpui pawna Engineering College Auditorium hman a ni. Taiwan Presbyterian Assembly hruaitu zinga mi, thusawitu atana an sawm chuan a sawi ṭha hle. He chawnghei ṭawngṭai inkhawm rawt chhan ber chu Taiwan Presbyterian Church hian kum 2015-ah khian kum

150-na lawm an tum a, chumi atan chuan kawng hrang hranga hma lâk a ni a. Chung zinga pawimawh ber pakhat chu kohhran member pakhat zelin kum khat chhungin mi dang pakhat Krista hnena hruai (member nihtir) tûra hma lâkna a ni. Kum nga chhungin Presbyterian member engzat nge kan neih hman ang tih chu an thil tum pui ber pakhat a ni. Chumi ni thei tûr chuan infuih tawna leh ÷awngtai hona neih tulin an hria a, he ‘chawnghei ÷awngtai inkhawm’ hi an buatsaih a ni. Taiwan-ah hian Kristian chu 3% vel lek chauh an la ni a, ÷awngtaipui an ngai hle. A ram zau zawng leh population enin khawvelah milem biakna temple tam berna niin an sawi hial.

Biak In tûr kan zawng mêk: Pathian zarah kan kohhran member-te kum tin kan pung vel hret hret zel a. A din tirha mi sawm chuang êrh âwrh chauh kha tunah chuan naupangte nen chuan mi 50 vel lai kan lo ni ve ta a. Tuna Biak In atana kan luah hawh (rent) lai hi room tê tak tê a ni a, mi 30 vel bâk in chhungah chuan an ÷hu leng lo a ni. Chuvangin Chawlhnia kan inkhawm hi chuan eng emaw zât chu pawna plastic chair kan dah belhah an ÷hu ÷hin. Hun pui deuh

- Krismas te, Thanksgiving hunah te, Easter Sunday-ah te hian a zatve aia tam mah pawn lama ÷hut a ngai ÷hin.

Kan member-te hi hmeichhia kum upa lam, an pasalte Kristian ni lêm lo an ni deuh fur a, chu bâkah a tam zâwk hi mahnia sum lâkluhna nei mang lo an ni. An pasalte Kristian an nih loh avangin Biak Ina thawhlawm an thawh te chu an pasalte’n an hriat an hlau ÷hin a. Chuvangin thawhlawm lamah kan kohhran chu kan la phuisui lo hle. Nupa ringtu ni ve ve member pangngai kan neihhote pawh rinna chak lo tê tê an ni a, kohhran tâna thawhlawm thawh nachang hre vak lo an la tam a; chuvangin mi 50/60 vel len theihna room pakhat leh Sunday School lamin a hrana room pakhat an neih ve theihna tûr pawh kan luah (rent) zo mang lo a ni. Mahse, tunah chuan tlema lian zawk chu zawng lo thei kan ni ta lovin kan inhria a, kan zawng mêk a ni. Puitling mi 50-60 vel inkhawmna room leh Naupang Sunday School atan room tê deuh dang pakhat luah tûrin thla tin Taiwan dollars (NT\$) 15,000 - 20,000 vel sen a ngai a. (US\$ 1 = NT\$ 32 vel). Remchang tak kan hmuh ve thuai

theih nan min lo ṭawngṭaisak kan mamawh hle.

Family News:

September 27, 2010 Thawḥṭanni zing dar 1:40 (AM) khan ka nuin min boralsan tâk thu kan dawng. Thai pastor, Labor Centre-a thawk, lo chawl ve nen kan la hmuh ngai loh Taiwan-a dil lian ber Sun Moon Lake tlawh tûra leiverh (tunnel) sei tak mai chhunga kan tlân laiin cell phone-in ka lo dawng a ni. Taiwan-ah kum 23 lai kan awm ve ta a; ka nu leh pa te, kan nu

(Sapi) nu leh pa te, unau, chhung hnai tak tak thi vuinaah kan tel theih loh, min kalsan ta eng emaw zat kan nei ta. Mahse, Pathian remruat zelah kan ngai, a bikin kum upa leh chak tawh lo nu leh pa te pheih chu natnain a tihbuai phâk tawh lohna Lalpa hnenah an chawl ta hi a lawmawm zâwk e.

Keini chhungkua kan dam a, kan rawngbawlina pawh Pathian khawngaihna a la kal tluang zel, min ṭawngṭaisak ṭhinnaah lawmthu kan sawi a ni.

BOLENG BIAL HEALING CRUSADE REPORT

Pastor Lalfakawma Ralte,
i/c Boleng Bial, Arunachal Pradesh (W)

Brahmaputra luipui châwmtu zingah pawha hmingthang ber pawl Siang lui (a hnar neihna Tibet-ah chuan **Tsangpo** an ti) kam Boleng khuah October ni 15-17, 2010 (Zirtâwpni aṭanga Pathianni) khan ringlote beihna tûr leh ring tawhte tihnghehna tûrin Tihdam Rawngbawlina (Healing Crusade) hlawhtling tak leh hlâwk tak kan hmang a. Pathian inpuan chhuahna ropui tak kan hmuin, ringtu leh ringlote'n thu khat vuain Kristiante Pathian ngei hi Pathian tak chu a lo ni tih kan puang chhuak zâ a, kan han au rual tuar tuar mai boruak chu naum tak a ni.

He Crusade kan neih theihna tûra Rs 50,000/- min petu Venghlui Kohhran chungah kan lawm êm êm a. Hun chêp tak kâra an hun hlu tak sênga zin kawng thui tak rawn zawhtu kan Speaker Pu Lalthuamkunga, Durtlang leh Pu Lalramzauva Ralte, Bawngkawn te inpêkna pawh a fakawm ngei mai. Field Secretary Rev. Lallianmawia Pachuau te nupain a tâwp thlengin min uap reng a. Field chhunga thawktu leh ringtute'n kan thlamuanpui hle. Rev. P.C Rohlira te nupa, Aalo bialtu te, Evan. A Paul Laltharzela, Daporijo leh Pu Lalmalsawma Pachuau, Itanagar te'n min ÷awiawm bawk.

He Healing Crusade-ah hian bial chhung leh bial pawn hmun hrang hrang aţanga lo kal damlo mi zariat chuang Speaker-te'n an kut nghatin an ÷awngţaisak a, an taksa na lai te an khawihsak vek bawk. Mi tam takin taksa chauh ni lovin thlarau damna an chang tel tih kan hmuhin kan mittui tla tûr kan dang sêng ngang lo a ni. Kan Speaker-te'n thu an sawi rêng rêngin Lal Isua hi Chhandamtu awm chhun a nihzia leh pathiante Pathian, lalte Lal a nih thu thiam tak leh mi rilru hneh thei zâwngin

huai takin an sawi ÷in a. Khaw chung mipuite pawhin an hriat ve theih nan aurinna hmanga inkhawm programme zawng zawng pawn lama tihchhuah a ni bawk.

Pathian chu kan hnenah a awm a; tidamtu Pathian a ni a, a thiltihtheihna lan chhuahirtu Pathian a ni. Chu a nihna dik tak chu ringlo tam tak awmna hmunah tu tân maha hai rual loh leh hnial theih miah lohvin Pathianin a rawn puang chhuak a. Mi tam tak an dam a. Damna Chiang tak leh khawih thlûkna boruak nen Pathian a rawn inpuan chhuah meuh chuan Hindu-te leh Donyi Polo (ni leh thla) sakhaw zuitute rilru pawh a inthlâk hle tih a hmuh theih a ni.

Pathian ropui nan damna chang kan hriat ÷henkhatte lo târlang ila:-

1. Pangin khuaa mi putar, Pu Tarak Messar chu kea kal thei miah lo a ni a. LALPA'N Speaker hmanga a khawih hnu chuan a dam ta viah a. Baptisma chan a duh ta a. A tuk Pathianni chawhma inkhawma baptisma kan chantir dawn chuan dam chhunga Lal Isua phatsan lova zui tûra a intiam leh tiam loh kan zâwt a. Ani chuan, "Engah nge

dam chhunga zui tûra ka intiam loh vang? Hei, mipui hmaah zah pawh dawn lovin patling kan rawn ding chhuak tawh alawm!” tiin duhthlanna a siam felzia leh Lal Isua'n a tihdam avanga a lawm thu a rawn sawi chhuak.

2. Mipa naupang kum 2 mi vel kal thei lo chu Pathianin a tidam a. Chhuatah an han kaltir chhin a, a lo kal thei ta mai chu amah naupang t e chuan nuam a ti lutuk a; a kal pah chuan kut a b eng thak thak a. A pain a pawm k ang a, lawm  em  emin a s ep a. An pafa leh a lo hmutute kan va hlim tl ang  em!

3. Jubilee Darang, Boleng khuaa hmeichhe naupang kum khat mi chu a zawi vek a. A kut leh ke hmang thei lovin, kum khat a tlin hnu pawhin amahin a bawkkhup thei lo va. Speaker-te'n an khawih hnuah LALPA'N hna a thawk a. A kut pahnih hnihin a tiche thei ve ve ta a. Engmah kenga h m nghet thei ngai lo khan nghet takin thil a h m thei tain, Healin Crusade zawh a anga ni 3-ah chuan amahin a lo bawkkhup thei ta hial a ni.

4. Tatin-i, hmeichhe naupang kum 12 mi bengngawng chu LALPA'N a tidam a. A nu hnenah, “Ka nu, hetiang hian thil

ri ka hre reng tawh ang em? Ka beng hi a ngawng leh tawh lo vang ti raw,” a ti.

5. Jomlo khuaa mi Pu Jerang-a, kum 70 mi vel chu tun hmaa b awngin a sutnaah kawng thlanga a tl ak avangin a kh p a sawh na a, a kal  ha thei lo va. Speaker-te hmangin LALPA'N a tihdam hnu chuan lawm avanga ins m thei lovin inkhawm laklawh laiin a dam thu puan a rawn dil tawp a ni.

6. Takot Tatin-a, kum 45 mi, Sine khuaa mi chuan kar hnih chhung pumna leh  wmna avanga hrehawm a tuarna zawng zawng chu Healing Crusade a anga a dam t ak avangin Pastor Qtrs-ah lo kalin Speaker-te hnenah lawmthu a rawn sawi.

7. Pi Duset Tasing-i chuan, “Speaker-te thusawi ka hriat a ang khan inkhawhtir pawh ngai lovin ka n  zawng zawng a dam vek,” a ti.

8. Pu Tamut-a, Lorging khua, rei tak hnung leh d r n  lo nei tawh chuan a dam viah thu a sawi.

9. Pu Tasam Gao-a, kum 40 vel mi chu a kut leh ke a sil ch ng leh a inbual ch ng apiangin a taksa huh lai apiang chu a v ng  thin a. Nipui lai erawh chuan a v ng ngai lo. Speaker-

te'n an ɬawngɬaisak hnu chuan a inbual paw'n engtin mah a awm ta lo va, LALPA'N a tidam ta viah a ni.

10. Pi Yalop-i, taksa dinglam thla zawng zeng vek tawh chuan Pathianin a tihdam thu a sawi.

11. Pu Muang-a, Pangin khuaa mi, ringlo chu mahnia kal thei tawh lo a ni a. Speaker-te hmanga LALPA khawihna a chan hnuah tunah chuan amahin a kal thei ta.

12. Pu Lalmalsawma Pachuau, Itanagar pawh damna inkhawm kan hman laia Biak Ina a awm laiin a taksa a rawn hit chuai a. A bân bul nâ, chunglama lek chhoh harsa a tih chu a dam ta daih a ni.

13. Pi Okot Jamoh, kum 32 mi dâr nâ nei reng ɬhin chuan pawna aurinna kan dah chhuah kal tlangin an ina puan tah chungin Speaker-in Pathian thu a sawi chu a lo ngaithla ve reng a. Vawi leh khatah a hmulthî a ding sung sung a. A dâr na lai chu a rawn vâwt raih raih a, rei lo têah a dam ta viah a ni.

14. Heng zawng zawng bâkah hian kut leh ke inthlep tlat, mahnia tiche thei tawh lo mi tam takin damna an chang a. Lu nâ,

pum chhûnga bâwk awm, taksa pangkhing zeng, mit khaw hmuh fiah lo, kâwng nâ, malpui nâ leh natna hrang hranga nâ mi tam takin Pathian tihdamna an chang bawk.

October ni 17, 2010 (Pathianni)-ah dam chhunga Lal Isua phatsan lova zui tûra intiam mi sawmpali-in baptisma an chang a. Pathian zarah kumin chung (Jan. t0 Oct.) hian Boleng Bialah ringthar baptisma chang mi 94 kan nei tawh a ni.

He Healing Crusade a hlawhtlin theih nan hian min sponsor-tu Venghlui Kohhran mai bâkah Mizorama Kohhran hrang hrangte'n nasa takin min ɬawngɬaipui a. In mi ɬawngɬaipuina vâng liau liauin harsatna awm thei tûr tam tak lakah LALPA'N min hum a, programme hlawhtling tak kan hmang thei a ni tih kan hria a, kan lawm êm êm a ni. Pathian hnena lawmthu min sawipui mawlh mawlh tûr leh Pathian ram a zau belhna tûra min dilpui zêl tûrin kan sâwm a che u.

He Healing Crusade min hmantir a, a mite hnena rawn inpuang duhtu kan LALPA chu fakim awm rawh se!

A KANG DUAI DUAI E

Evan. K. Vanlalhriata
Itanagar

Ni 29 Aug. 2010 Pathianni tûk lo her chhuak chu mi dangte tân chuan a danglamna êm êm a awm lo a ni mai thei. Keini Itanagar Presbyterian Kohhranho tan erawh he ni hi chhinchhiah tlâk tak a ni. He niah hian Lalpa'n thil ropui tak min tihsak leh tûr chu nghakhlel takin kan hmuak a. Bialtu Pastor Lalfakawma kutah puitling mi pali-in damchhunga Lal Isua zui tûrin he niah hian Baptisma an chang a ni. An zingah hian Apatani nupa an awm ve a. Anni hi an fate zawng zawng, in puia la awmho chu Kristian vek tawh an ni a. Lal Isua an rin ve ngei theih nan hun rei tak aţang tawh khan Kohhranhote an tan kan ţawngtai reng ţhin a. An dinhmun te han en chuan bei a dawng lek lek ţhin a ni. An fapa hi Kristian a rawn nih hma pawha inkhawm pelh ngai lo leh Sunday School kai ţa lawmman dawng hial ţhin a ni.

Tichuan Kohhranhote'n ţawngtaina nen bein Evangelist-te'n a remchan dan ang zelin counselling te an neihpui reng bawk a. A hun taka che ţhin kan Pathian chuan an rilru leh ngaihtuahna te hnehin baptisma chan an han duh ve ta mai chu kan va lawm tak êm! Anni hi inthawina te la hmang ţhin an nih avangin an in chhunga inthawina bungrua chu engtin nge kan tih ang tih chu kan thinlunga riak reng, kan lawmna ber pakhat ni bawk si chu a ni a. Anni nupa chuan chung zawng zawng chu tihboral an duh a, Kohhranho ngeiin halralna hun hmang se tih chu an duh dan a ni ta a ni.

Biak In lam programme a zawh chuan tlai lam dar li (4) velah kohhranhote a thei thei an in lamah he halralna hun hmang tûra inbuatsaihin, Bialtu Pastor hovin kan thawk chhuak a. In chhung lam thenfaina programme kan zawh hnu chuan Kohhran hruaitu leh thawktute'n inthawina bungrua chu la chhuakin pâwnah Bialtu Pastor Lalfakawma'n a hal ral ta a ni! A kan chhung zawng chuan Kohhranhote'n Pathian faka zaiin Setana hnehna puangin hlado kan chham zui a. Tunah chuan an chhungkuain Kristian an lo ni ta. Lalpa chu fakin awm rawh se!

Arunachal khawpui

Itanagar-ah hian a ram mi hnam chi hrang hrang bâkah state pâwn lam mi, a bikin vai kan tihho hian an chim hneh êm êm mai a. Sakhua pawh mumal taka vawn bik nei leh la urhsun tak an vâng êm êm mai a ni. Eng sakhua pawh tha ti vek, vawn bik nei lo an ni a, thlarau lamah an nun hi a tuihâl lo êm êm mai niin a lang. Tun ang laiah phei chuan inthawina hâl ral duh hi chu an vâng êm êm tawh a ni. Chutiang kâra inthawina bungrua zawng zawngte hâlrâl duhna thinsung an nei te, hetiang mi kan Kohhrana an lo tel ve te hi “Lalpa’n thil ropui tak min tihsak,” kan ti lo thei lo a, kan lawmna hi kan puang chhuak lo thei lo a ni. Mizoram Kohhranhote min ÷awngtaipuina rah zel a ni tih kan

hria a, min ÷awngtaipui zel tûr pawhin kan ngen zui tak meuh meuh che u a ni e. Arunachal ringtute zingah hian mumang te, a hrilhfiahtu kan tih te hian hmun a la chang tam êm êm a, an mumang hian an nunah harsatna a la siamsak nasa êm êm reng mai. Hrilhfiahtu lamin an tih ang ang kha an zâwm mai a. Anmahni lam an inpêk vâng leh ÷ul tih vang ni hauh lovin, hrilhfiahtuin, “Ni chuti zât chaw nghei tûr,” an tih chuan an zâwm hmiah mai ÷hin a ni. ‘Bible-in engtin nge a tih?’ tih lam ai chuan hei hian an rilru leh taksa a kai hruai nasa a, Hei vâng hian anmahniah mi dangte tân hmun a tlêm êm êm mai a, an harsatna lian tak pawh a ni; i ÷awngtaipui zel ang u.

SAWMNA

Hun rei tak chhung SMB-in rawng a lo bawl tawhna Silsuri khua, (Pukzing thlang, Khawthlangtuipui kam)-a kan kohhran chu **9 January, 2011** hian **Kohhran puitlinga hlânkai** tûra ruahman a lo ni ta a. He hmuna lo thawk tawh Missionary zawng zawngte he hun min hmanpui tûr hian kan sawm che u a. Sawmna dang siam a ni loh avangin hei hi sawmnaa ngai a, min tihhlawhtlinsak hrâm tûrin kan ngen a che u.

Upa H. Mokendro,
Evangelist, Silsuri.

Sunna:**PI C. LALHMANGIHZUALI (MIMI) KAN THEN TA**

Pi C. Lalmangaihzuali (Mimi) hi Pu Chawngsiam a leh Pi Lalnghaki (L) te fa panga zinga a upa ber dawttu niin kum 1969, Sept. ni 30 khan Serchhip-ah a lo piang a. Zirna lamah HSLC a ni.

Chhungkaw lam: Ni 13 March, 1993 khan Pathianin a kawppui âwm mi tak pasal atana a pêk Pu Lalchawiliana S/o Upa Vandailova (L) nen inneiin fa pathum - Malsawmdawngzeli (16), Ramtharmawia (14) leh Ramdinthara (10) te an nei a. A pasal pawh hi Synod Mission Board hnuai a thawktu (missionary) tho a ni.

Rawngbawl na lam: Pi C. Lalmangaihzuali hi kum 1989-ah Synod hnuai a Evangelist Teacher tûrin lâk a ni a. Hetiang hi a lo thawh tawh dan chu a ni.

6.2.1989-31.12.1995 - Evan. Teacher - Bahzarungpa Veng (Lushaichera)

Jan. - Dec. 1996 - DIET training - Aizawl.

Jan. - 1997 - Dec. 2006 - Evan. Teacher - PMS, Marpara

Jan. - Dec., 2007 - Missionary Training - MTC, Aizawl

Jan. - Dec.r, 2008 - Evan. Teacher - RTMS, Tuipuibari-II

Jan., 2009- till death - Headmistress - Hruuduk, H/M North.

Pi C. Lalmangaihzuali hi rawngbawl naa inpe tak, a hmaa tih tûr awm chu taima taka thawktat mi a ni a. Zirtir thiam tak a nih avangin naupangte pawhin an ngaina hle. Kum 1992-ah Presbyterian Hospital, Durtlang-ah Medical Short Course a training baw avangin nau chhar leh enkawl te pawh thiam tak a ni. A hnaah hian mahni insit mi tak a nih avangin theihtâwp chhuaha nasa taka bei thin mi a ni a. Tûna a thawhna

hmunah pawh a thawh rah hmasawanna a lang tan viau hman a ni.

A mize tlangpui: Pi C. Lalmangaihzuali hi nu taima tak a ni a, puan tah leh puanthui te a thiam baw avangin kut âwlin a awm mai mai ngai lo va. A kut themthiamna hi a rawngbawl na hmuna mite tân malsawmna a ni pakhat thin. An khuaa puan thui thiam awm ta chu an thlamuanpui hle thin a. Tunah pawh thui tûr thuisak

hman loh tam tak a kalsan ta a ni.

Amah hi mi hlim thei tak, fiam dawl tak a ni a. Thawhpui nuam tak leh thawhpuite tihlimtu tak pakhat a ni bawk.

A nat dan tlângpui: September, 2010 aṅang khan a insawisel ṅan a, a hmai leh bânah te vual awmin a thak ṅhin a. A tirah chuan vawmbalah an ngai nghe nghe. Ni 28 September khan Duty paha in-*check up* tûrin Aizawl-ah a lo kal a. A in-*check up* chu an lo *admit* zui nghal a ni.

Damdawi ina awm ta chu ngaihven tûrin a pasal pu Chawiliana pawh a lo chho ve a. mahse, amah zâwk chu zun kawng lam fel lo avangin *admit* ngaiin a awm ve ta a. Hmangaihzuali hian a buaipui ta zâwk mah a.

Ṭhat chhuah leh mai beiseia an awm laiin ni 24 Oct.- a inthiar tûra a kal chu lu haiin a tlu a, oxygen pêk ngai khawpin a awm ta a. Ni 26 Oct.-ah ICU-ah dah luh a ni ta hial a. A kal (*kidney*) pahnih a *function* lo tih hmuh chhuah a ni a. Blood cell ṭha lovin a tlâkbuak leh a. A Blood Group pawh A+ a nih laiin AB-ah te a insawn ṅhin a. A mamawh êm si avangin *risk*

tak meuhva thisen an pêk chu vanneihthlâk takin a dawn theih hlahu avangin beiseina sang tak nen enkawl chhoh zel a ni a. Mahse, ni 10 Nov. aṅang khan thi a pût vak a, chuta ṅang chuan beiseina a tlêm tial tial a. A thih hma lawka Doctor-te inhmu khawm chuan Rilpui Cancer a nih thu an sawi. Tichuan a natna chu lo zual zelin ni 11 November, 2010 zinglam dar 00:30 khan a pasal fanaute, chungkhat lainate leh a rawngbawlpuite'n kan la thlâkhleh em em laiin a rawng a bawl ṅhin a Lalpa hnena chawl hlen tawh tûrin min lo kalsan ta a ni.

Hemi ni vêk chhun dar 12:00-ah anmahni in Hunthar Vengah Rev. Lalchhuanmawia, Synod Mission Board Secretary-in a vui a. A lei taksa chu thawhleha ni ropui nghâk tûrin thlanmualah kan lo thlah liam ta a ni. A pasal fanau te, chungkhat laina amah suntu zawng zawngte Lalpa'n thlamuanin awmpui sela. A hmun ruak zau tak luah khat thei tûr leh a hmabâk hna hautak tak a kalsan tâkte ṭha taka chhunzawm thei tûrin Synod Mission Board pawh Pathianin min tichakin min hruai zel rawh se.

PATHIAN DUHZAWNGA KRISMAS HMAN
(Luka 4:18-19)

Rev. R.Lalchangliana
Synod Revival Director

Engvanga Krismas hi hmang nge kan nih? He zawhna hi ngun taka ngaihtuah thar lehin i chhang ang u.

Krismas hi thlarau lam Eden kawngkhar hawn țanna hun, sal tângte chhuah dâr **jubilee** khawvela a rawn ințanna a ni a, a ropui êm êm a ni. Abraham Lincoln-a'n bawih chhuah tûra a beihna a hlawhtlinna ni chu tun thlengin America ramah chuan ni ropui a ni. India mite tân January ni 26 leh August ni 15 chu ngaihsanin a awm reng dawn. Juda-te tân Kalhlên Kût chu kût ropui leh ngaihhlut a ni reng bawk ang. Mahse, heng zawng zawng ai pawha ropui zawk chu '**Krismas**' hi a ni. Hnam tin chi tin tân sual bawih ata chhuahna Jubilee a ni tlat a. Chuvangin Kristian-te chang ni lo, mi zawng zawng tân hriat reng tlâk leh chawimawi tlâk a va ni tehlul êm!

A mak zâwng a chhui chuan thilmak ber a ni a; a ropuina lam thlir chuan Pathian meuhvin lei leh van inremna tûra hmangaihna famkim nen hmun tlâwm ber luah a, a tisa channa ni a ni a, a ropui a ni. Mifingte amah chibai bûk tûra hmun hla tak ațanga lo kal a, thilpêk nen chibai an rawn bûk te, Berampute'n an beram vên lai kalsan hial khawpa chibai bûk tûra an kal te hi a mak lo ve. Vana mipuihote hmun hla tak ata lo kal a, amah chibai bûkna leh lawmna hla rawn sa a, lei mite duhsakna hla mawi ropui an rawn rem hial mai pawh hi a mak lo ve. Kan

Lalpa hian a phu êm a ni.

Ringtu hmasate'n thianghlim takin, thinthlung inpawh tak leh inlungual takin an zingah bawlhhlawh leh mawi lo engmah awm lovin Krismas hi an hmang thin. Mizo Kristian hmasate pawhin kum 1903 ațang khan an hmang țan niin a hriat a. An hman chhan an sawi dan pawh Isua Krista chu mi mal thinthlungah Lal leh Chhandamtu atana a lo pianna ni a nih vang niin an sawi. Kristian hmasate leh Mizo Kristian hmasate'n an hman dan rilru khan kan Pathian duhzâwng a phawk chhuak viau

chuan a rinawm. Tunlai huna kan hman danah hian Krista rilru leh Krismas kan hman chhan hi a inpersan ta hle lo maw?

Krismas kan lo hnaih ta hle. Tunlai huna kan lo hmuah dan leh kan hman dan hi inenfiah a tul ta hle mai. Rethei zâwk leh khawsak harsa deuh zâwk, sum lâkluhna nghet leh tha nei lote tân phei chuan hun huphurhawm, hun lungngaihthlâk a tling ta hial mai âwm e. Nu leh pa tam tak tân chuan lungngaih hun, ‘Lungngaih Hapta’ a ni thei ta. Tun aţang hian nu leh pa tam tak chuan kan er tawh hle âwm e. Fate rualawh lutuk leh mawi ve loh hlauhna chuan rilru a kap lian hle ta ve ang. Chu chuan Krista lama thinlung hawnga lo inbuatsaih tumna rilru a hliah vek a nih phei chuan kum 2010 Krismas hmangtute hian Berampute ang khan Pathian fak leh chawimawi chungin kum thar kan lût thei lo ngei ang le. Thinlung nâ leh ritphur chungin kum thar kan thleng mai ang tih a va hlauhawm êm!

Krismas a lo hnaih hian kan fate, kan thalaite rilru-ah eng nge langsar ber? Eng rilru nge an put thin? Nu leh pate rilru-ah

eng nge langsar a, kan engto ber thin? Krista duhzâwnga Krismas hman nge, rualawhna leh rual elna rilru intlansiakna? Heng zawhnate hi i chhang teh ang u le.

Kum 10 chauh liam ta aţanga kan hman thin dan han thlir lêt pawhin Krismas atana kan lo inbuatsaih thin dan leh kan hman thin dan chu kan Lalpa rilru leh duh dan nen a inpersan hle thin âwm e. Chuvang chuan Krismas-a tui taka zai tlaivar chu sawi loh, zan dar 12 zai thleng tûr pawhin tih luih hrâm hrâm a ngai ţan ta (tui fuh kum a nih loh chuan). Kan lawm chhan ber Isua Krista kan thinlungah a langsar ta lo. Phuahchawp intihhlumna leh interek hran siam kan uar ta leh hun zalenah kan ngai a, inkhawm leh lenkhawm lam ngaihthaha zalen taka kan khawsak thin vâng hian rah tha lo leh dam chungung nun atana pawî tûr kan hmu fo thin te hi a pawî êm êm a ni.

Thenkhatin ruihhlo tih chhinna hun thaah kan hmang fova. Mipat hmeichhiatna lama zalen taka nawmchenna hun remchangah kan ngai a nih phei

chuan Krista rilru leh kan hman tum dan chu a inmil lo hle tihna a ni. Nakin lawka tap vawng vawng tûrin a nuam tâwl leh nuam chên zâwng rilru pua Krismas kan lo inbuatsaih a nih ngat chuan kan la inchhir ngei dawn. Krismas hman kan tum dan leh Krista rilru hi inbihchian a ÷ul âwm e. Boralte zawnga chhandam tûra lo kal nen inpawl a, hlim taka kan hman theih nan chumi rilru pu chuan inbuatsaih ÷heuh zâwk ila kan va hlim dawn êm!

Bethlehem-a nau piang hi kan chhungkua leh mi mal nuna lo lût tûrin thinlung kawngka zau taka hawnga kan sawm a ÷ul takzet ta mai. Chu bâkah malsawmna min pêk hriselna, sum leh pai te mamawhtute hnena pêk leh kan awte a ropui zual zelna tûra hlan hi Krista duhzâwnga Krismas hmangtute hman dan tûr ÷ha a ni ngei bawk ang.

Mahni inhai vûr mai lovin mirethei leh chanhai zâwkte lam hawiin luang chhuak ve ta ila. Mahni insêngsova Krismas min rawn thlensaktu dungthûlin insêngso zâwngin rah ÷ha han chhuah ve ta ila, tichuan mi harsa zâwkte'n lawmna

mittui nen min lo dawngsawng ang a; kan Lalpa chuan hmuhnawm a va ti dâwn êm!

Van ropuina kalsan hial khawpa hmangaihtu, misualte tan nun pe tûra Ramthim luhchilha hna rawn thawktu, Lal thar, Remna Lal Isua hian thinlung ril ber pea lawmtu kan nih hi a duh dan ber a ni. Mahni khawtuala intihuaisen a, nuam tinrêng dapa leu vel kan tum lai hian wawi khat mah Krismas la hmang ngai lo, Krismas hi a awm tih leh Chhandamtu pêk kan ni tih pawh la hre rêng rêng lo thlarau sal tâng sang tam tak thim zingah an la ÷u a. Sual ânchhia phurin lungngaiin an la rûm mêk asin. Chu mite hnên lam hawiin mi ÷henkhatte an luang chhuak leh ngei ang. Mahse 'mi ÷henkhatte' mai ni lovin, Lal thar chibai bûk tumtu apiangte hna a ni zâwk. Kumin chauh tal chu Lalpa duhzâwng eng kawng berin emaw i hmang ve hrâm ang u hmiang. Tichuan kan zingah Lalpa'n Krismas a hmang ang a, keini kan lungawi ngei bawk ang a, Berampute angin Pathian fak leh chawimawi chungin kum thar hlim takin kan lût dawn a ni. Amen.

TAN LAK A NGAI-RAMTHAR THILPEKAH

- Rev. Lalchhuanmawia
Secretary,
Synod Mission Board

A hmasa berin kohhranhote kan Lalpa Isua hmingin leh Synod Mission Board hmingin chibai ka buk a che u. Tun tumah hian kohhranhote, thlarau bo chhan chhuahna hnaa theihtawpa tan in lo lak tawhnaazarah vawiin thlengin kan ramthar rawngbawlna hmun hrang hrangah hma kan sawn zelin, ringthar pawh kan nei thar zel a, Lalpa ram a zau zel a ni.

Amaherawhchu, kumin hian Pathian ram thilpek kan pek danah tlemin tan la leh zual tura inchah a thain kan hria a. Tunah hian kan Synod sum, Pathian Ram leh Raqmthar bik chauh luh dan hetiang a ni -

1. Pathian ram (April-October2010) - 13,67,23,856-63.67%
2. Ramthar (-do-) - 9,02,78,627-46.18%

Tuna Ramthar bika thla 7 chhunga kan sum luh dan en hi chuan kan budget kan pha lo mai awm mang e tih theih a ni. Kum dangah chuan tun ang hunah hian 50% aia tha a lut tlangpui thin a ni a; chuvangin, kohhranhote kan puanven sawi chhinga tan lak a ngai niin a lang. Ramthar rawngbawlna hma zauh zel tura kohhranhote kan rilru kan pek mek laia rawngbawlna tura sum

kan harsat si chuan duh angin hma kan la thei lo mai ang tih a hlauhawm hlel lo a ni.

Tun dinhmuna a lang chin kan thlir chuan thlaphanawm dawn angin lang mahse, A ram din zel tura thupetu Lalpa hian kan mamawh min pe zel ang tih erawh ring ngam ila, 'I rah chin apiang chu ka pe zel ang che' titu hian kan ke pen min hrui zel rawh se.

ZAWHNA LEH CHHANNA

(Chunzawmna)

*Zawttu : Pu Lalneihkima
Evan. (Rtd) Kawrtethawveng*

*2. Tirh. Thangzawna (L)
lekhkhabu siam BRU HNAM
ZINGA RAWNGBAWLNA tih
phek 56-na paragraph 2-naah
1949 March thlaa rawngbawlna
hi tan niin a ziak a. Tin Zoram
Baptist emaw ni hian 1948-ah
rawngbawlna Bru-ho zingah an
lo nei tawh niin a ziak bawk a.*

*Phek 70-na tâwp lama,
“Kan thawh ve hma deuhva
thawk Pu H.K Dohnuna te,” a
tih hi tu rawih nge? Mizoram
chhunga Bru hnam zinga Biak In
dinna hmasa ber chu amah Tirh.
Thangzawna thawhna Sihphir hi
a ni bawk si a? Mi han sawi
fihsak teh.*

Chhanna: Pu H.K Dohnuna (Hmar Khawbung Dohnuna, Mizoram politician lâr Pu H.K Bawihchhuaka pa) hi a chanchin kan hre thui lem lo. Manipur rama North East India General Mission (N.E.I.G.M) hnuai a awm thin a ni a. Kum 1928-30 lai vela an Mission a lo buai khan

Independent Church of India (I.C.I) a lo ding a. Kum 1910 vel ațanga Manipur rama Chanchin Tha hrila lo lut tawh Watkin Roberts (Saptlangvala) chu an bân ta bawk a. Ani leh H.K Dohnuna chuan Thado-Kuki Pioneer Mission an din ta a. An hmunpui chu Manipur ram ni chungin Tuiruang dungah an inkulh a. Lakhipur an centre pakhat a ni.

Thado-Kuki Pioneer Mission chuan Cachar leh Tripura rama hnam hnuaihningte hnenah Pathian thu a hril thin a. Chutah chuan Bru (Tuikuk) te hnenah pawh thu a hril thin. Mahse, an luhchilh tak tak ngai lo a ni.

Tichuan, Pu H.K Dohnuna hian Bru zingah rawngbawl thin mah se, kan Kohhran mi rawih a nih chiah loh avangin Tirhkoh Thangzawna 'n kum 1949-a Bru (Tuikuk) zinga rawngbawlna a lo tan hi keini chuan kan Kohhranin Bru (Tuikuk) zinga kut a thlâk țanna angin kan pawm ta a n ang.

INDIA RAMAH LAL ISUA THLEN IN A VANG

Upa H. Lalchungnunga,
Bawngkawn Shalom Veng

Cyril Firth M.A ziak ‘*An introduction to the Indian Church History*’ buah chuan zabi khatnaah Isua zirtir Thoma chuan India ramah Chanchin Tha a rawn thlen niin a sawi a; a dik ngei a nih chuan India ram chu Kristiannaah a upa hle tawh tihna a ni. Kan upat ngaihtuahin kan thang chak lo hle maiin a lang. Kum 30 aia rei mah an zinga (Kristian leh Kristian lote) ka lo chên ve thin tawh atanga kan than chak loh chhan nia ka hriatte chu:

1. Kristian hmasate’n emaw, kum zabi 18-19 AD vela ringtute’n Lal Isua thupêk angin Chanchin Tha an puang tam tâwk lo a ni mai thei.

2. Kan P.M hmasa ber Pandit Jawaharlal nehru chuan, “ ‘Hindu leh Muslim te tha taka kan awm ho theih chuan Kristiante chu khawih an ngai lo, an tha alawm,’ a ti e,” an ti. “Kristian khawih chu vai velh an sawi ang maiin an pung duh a ni,” an tih hi a lo hre ru ve nge, zabi khatna vela Rome mite’n Kristiante an tihduhdah avanga Europe ram thleng thlenga ringtu an pun chak dan te kha a lo chhiar fuh ve ni? Hun rei tak chu Kristiante’n harsatna kan tawh ngai lêm loh kha, bawng insi thelh tûra tianga vuak ang mai kan nita a nih hi.

3. Kristiante khuan pawlho/ Kohhran anga thawh ho, chêt ho an thiam lo deuh niin ka hre thin. Ti thei deuh an awmin a el/er zâwnga chêt ve mai an harsat lo va, chu chu pawl leh pawl angin a lang chhuak thuai thin.

4. *Sakhaw hriat dan*: Sakhua hi hnam emaw ti mai an tam a. “India ramah hnam pathum - Hindu, Muslim leh Isai (Kristian) kan awm,” an ti mai a ni. Chuvang chuan mahni hnam (*janam jat*) kha phatsan theihah an ngai lova; Kristian nih hi tul berin an hre lem lo; mahni culture phatsana Kristian nih ngaia an ngaih tlatna khu thiat sawm a ngai a ni.

Hetiang deuh hian hma la chho ta ila, a tha ang em le?

1. Ram laili thlengin Mission Field kan nei ta hi a ropuiin

hlawhtlinna ropui tak a ni. Keimahni mi leh sa ngei a fawng vuantua kan awm tawh chuan anmahni ngei anmahni mite zinga hman tlâka chher chhuah hi kan tih mâkmawh niin ka hre ve a. Keini chu tlangmi (tribal) kan ni a, kan hmel an han hmuh aţang hian mi pangngai chin khu chuan min dawr dan tûr tâwk leh kan thil sawi pawh awih chin tûr awmin an hre mai. An hriat ngai loh deuh pawh sawi ila, “A va mak ve,” an ti duh lek chauh thin. MI pangngai chin chunglam khu chu kan lêm pha lo a ni ber. Tuan leh mang aţanga an lo vawn bur tawh sakhua, kulmûkna tinrêng thlahte nuna an lo inhlân chhâwn thin tawh phatsana sakhaw thara inlet duh khawpa an nun khawih nghing tûr chuan Pathian chêt ngei theihna tûra kan chêt a, kan beih a ngai ngei ang le.

2. Mipui tlimpui zinga tuna kan missionary awm mêkte pawh hian a lang a pauvin an thawk tak tak hlei thei lo a ni mai a, *slum area* lam hi damdawi leh zirna hmangin kan beih tâwk a la ni rih a; kan tih theih tâwk ang ang a hma la thar zelin, thahnemngai taka beih phawt hi kan tih tûr a nih laiin anmahni ngei hman ţangkai dan zawn thiam a pawimawh tih hriat reng

tûr a ni.

3. Tlem leh tam lam bithliah nei lem lovin an zinga ringtu kan neih chhunte nen ţan lâk ho zir a ţul hle bawk. Ringtu awm chhun chhun inhlawm khawm dan lam hi a taka tihpui a ţul hle. Anmahni hmanruaa kan hman theih nana inbuatsaihna tha tak a ni a; pawlho-a *regular* taka chêt lâk ho hi Kohhran ruangâm hlimthla hmuhdawm tak a ni nghal a ni.

4. Kan ramah hna hrang hrang thawk tûrin state dang aţangin ni tin lo lût thar an awm reng a, heng mite hnenah hian an awih emaw, awih lo emaw Lal Isua Chanchin Tha hi hmaih lova lo hrih hi tum hrim hrim phawt ila. Mahni kohhran huam chungna mi theuh hi bitum ila; engemaw zât chu ringthar kan nei theiin a rinawm. Tuna state danga mission filed kan neihtea kan hman ţangkai tak takte khu Mizorama ringtua siam an ni deuh vek a, sum tlêm zâwk sênga Lal Isua'n ringtu a neih belh zel theihna a ni asin.

Chuvang chuan, “Indai rama thu hrih hna kan thawhna atana hmun tha ber chu Mizoram hi a ni,” ka ti thin. Hetah hian Pathian thu huai

zâwkin kan sawi thei a, phairamah chuan fimkhur deuh hleka sawi a ÷ul ÷hin si a. Anni hian Lalpa hmaah, “An ramah kan awm a, i chhandamna thu hi awih tûrin min hrilh hlei nem,” an ti palh ang e. I mistiri chhawr te, i in hnuaiia awm te leh in ÷henawma awmte kha Lalpa hnenah hrui thlen i tum em?

5. *Team changkâng:*

Kan rama officer dinhmuna han ding phâkhote Chanchin Ṭha kan hrilh ve dawn lo’ m ni? Kum 20 hma lam aṭang khan hetiangho bei tûr hian ngaihtuahna hman a lo ni tawh a; kan officer pension-te han hman mai tûr kan vân deuh ÷hin a. Keini Gospel Team-te’ n programme kan han neih ve te hian hetiangho hi kan lêm pha

vak si lo va; mi hnuaihning deuhho tih âwm tâwk velah min ngai a ni mai thei. Mahse, nikum vel mai aṭang khan bul kan han ṭan thei a, a lawmawm tak tak a ni. Kum 2009 convention-ah pawh Vety Officer a rawn tel nawlh kha; uar zâwka hma lâk zel a phurawm sawt a ni.

“*India ramah Lal Isua thlen in a vâng,*” tih hla chu la sa zel rih mah ila, thlen in chu a hnawng reng bik tawh lo vang tiin hma la zel ila. Missionary, châwm zui ngai lo kan neih pun zel theih nan kan bul hnaia awm apiangte hi Isua chanchin i hrilh mawlh mawlh zel mai teh ang u.

*Lal hna i thawk ang u,
Lalpa lo kal thlengin.*

RAMTHAR NI HMAN DAN

Kanghmun: An khua aṭanga chhim lam km 5 vela hla, Bawlte nena an inrinna lai, Bawlte ram chhunga Gurkhali, thingzaia inhlawha chhungkuaa awmte hnena Chanchin Ṭha hrilin, Synod Mission Board hnuaiia Gurkha zinga rawngbawltu Team-te nen rawng an lo bawl tawh ṭhin a. An zinga Kristian tlēm te awm ve tih loh chu Hindu ruh tak vek an ni.

An zinga rawngbawl duhna lo lian zel avangin Kanghmun Kohhran Ramthar Committee chuan anmahni zinga mi pahnih tirhkoh atan September ni 1 aṭanga rawih tûrin a ti fel ta a. Chu mite chēna tûr in sak leh ringtu awmsate inkhawmna tûr sain Ramthar Niah an hnatlang ta a ni. Nula tlangval, nu leh pa, Kohhran hruaitute nen mi 60 lai an thawk chhuak a. An zinga upa ber chu kum 70 mi a ni.

Mahni hmanraw neih ang ang leh silpouline te, thawktute mamawh tûr buhfai, khawnvartui, bungbel lam chi leh pawisa fai te, mi inphalte'n an rawn thawh khawmte chu kengin phûr takin an thawk a. Thawktu pahnih chēna in leh an inkhawmna tûr chu luah theihin an peih fel hman ta a ni.

Anmahni ang bawka thing zaia inhlawhfa ve mai, mihring lam ngawta en chuan fīngvâr leh râwn kai pawl nih hmel hauh lohte an zinga

rawngbawl tûra an rawih dawn avangin ṭawngtaipui pawh an ngai hle a ni tih thu Nl. Ramnunthari, Treasurer, Kanghmun Kohhran Ramthar Committee hnen aṭangin kan dawng.

Buhban: Biak Inah Pathian hnena lawmthu sawi leh inhlhan tharin an ṭawngṭai rual hmasa phawt a. Chu mi zawhah Ramthar Field Ipuala sum tuak nan an hnatlang zui ta a. Ṭhalaite'n thingzai an pu a, Nuhovin thingtuah tûr an phur a, paho leh hnâng deh thiam bikte'n arbâwm leh paikâwng an tah a. Mi 120 vel an hnatlâng a, Rs 4,715.00 lai an hlawh chhuak a ni. A bâk sum tlēm belhchhahin Rs 5,000.00 chu Ramthar Field-a a ṭulna hmun apianga hman tûrin Synod Mission Board-ah an rawn chhung lût nghal a ni.

Kohhranhote an hlimin an lâwm tlâng hle tih thu pu C. Lalawmpuia, Buhban Kohhran Ramthar Committee Secretary hnen aṭangin kan dawng.

CHIBAI ULE

Pathian hruaina duhawm tak azarah kum 2010 chu kan lo hmang zo leh dawn ta reng mai. Ramthar chhiartu zawng zawngte **Krismas leh Kumthar chibai** kan bûk a che u.

Kum tharah rilru thar nen tha tharin kan rawngbawl hna chhunzawm leh theuh tûrin inbuatsaih sauh sauh ila. Sang tam takte thlanmuala an liam mêk laia keini nungdama zuaha kan la awm bîk chhan hi ngaihtuahin, nunna min petu Pathian tân tangkai lehzial zel tûrin i inbuatsaih thar zel ang u.

Sawi ngai bawk han sawi nawn leh ila, thil a fel lehzial theihna a nih tâkin.

1. Kum tharah Ramthar kan lâk zât tûr kan chian mai theih loh avangin December thla chung hian Agent tinin in-report thei ila duhthusam a ni a. Kan thei lo a nih chuan kum hlui a kan lâk zât bawk kan inthawn leh mai a ni ang chu.

2. Mi thenkhat, copy an lâk duh zât an sawia mahni insawi kêp theihngilh an awm leh zauh thin a. Subscribers 20 an nih chuan, “Copy 21 kan duh,” tih nghal tûr a ni. Sub-Agent nei pawhin sawi kêp nghal vek tûr a ni.

3. Copy 10 la chuan copy 9 a sem tihna a ni a. Copy 10 sem chin Agent free theih tih a nih avangin Copy 11 la chin Agent-in a free-in an dawng thei a ni. Sub-Agent pawh copy 10 sem chin chu kan free thei bawk e.

4. Rawngbawl naa ngaia hah taka kum 10 Agent-a lo tang tawhte chu a hmingin lawmman kan siam ve thin a. Inthlahrung lovin in-report zel ila, a tha ang e.

5. Ramthar chanchinbu kum hi January - December a ni a. Kum laklawha la leh a man pe pawhin December thla thleng atan a ni tih hre thar leh ila a tha ang e.

RAMTHAR FIELD TLAWH REPORT

- | | |
|--|---------------------------------|
| 1. Field hming | : Tripura Mission Field |
| 2. Khua/Mission Centre | : Noagang Mission Compound |
| 3. Tlawh hun chhung | : Dt 25 - 30 Aug., 2010 |
| 4. Tlawhtu Kohhran hming | : Ramhlun Vengchhak Kohhran |
| 5. Kal zât | : Mipa : 24, Hmeichhia :5, |
| Total : 29. | |
| 6. Tlawh chhan | : Work Camp |
| 7. Hnathawh/thil tih | : Huan sam, electric wiring |
| repair, furniture repair | |
| 8. Senso zat | : Rs 49,239/- |
| 9. Lawmawm lam | : Work Camp kal zawng zawngte'n |
| tisa leh thlarauvah hlawkna kan chhar thar theuh mai a, kan hlawhtling hlein kan inhria. | |

Report petu,

Sd/-

H. Vanlalhuma

Secretary,

Ramthar Committee

- | | |
|-----------------------------------|-----------------------------------|
| 1. Field hming | : Home Mission South |
| 2. Khua/Mission Centre | : Vaṭhuampui Kohhran |
| 3. Tlawh hun chhung | : 4-7 Dec. 2009 |
| 4. Tlawhtu Kohhran hming | : Bethlehem Venglai Kohhran, |
| Kohhran Hmeichhia & Ramthar Comt. | |
| 5. Kal zât | : Mipa: 5 Hmeichhia: 4 Total: 9 |
| 6. Tlawh chhan | : Tv. Ramthangliana kan tlawh. |
| 7. Hnathawh | : Kohhran mamawhah Rs 10,000/- |
| kan pe. | |
| 8. Senso zât | : Rs 21,000/- |
| 9. Lawmawm lam | : Kohhran ṭhangduang tak an ni a. |

Kohhran la din lohna khuaah te (E.g. Chamdur) pawh kohhran a ding thar mêk.

10. Lawmawm lo lam : Sawi tûr êm êm a awm lo. Kohhran pawl hrang thawh hona tha lehzuall erawh a pawimawh hle.

11. Report tul dang : Tunah sawn sikul lama kan hmalâkna saw a chhuanawm dawn khawp mai, sawrkar che mang lo chung pawha kan kalpui thei reng a nih chuan. Kohhran pawl dangte pawh sawn an fate rawn dah an duh zel saw a tha khawp mai.

Report petu,

Sd/- R. Rokima
Treasurer,
Ramthar Comt. Bethlehem Venglai Kohhran.

MISSIONARY TIRH CHHUAH SILVER JUBILEE

Upa C.Ngurthantluanga

Secretary

Khatla Kohhran

Ni 6th-11th July, 2010 chung khan Khatla Kohhran chuan **Missionary Tirhchhuah Silver Jubilee** kan lawm a. Jubilee kan lawm chhan hi chhiartute tan hriat thiam a har deuh mai thei a, sawi fiah hmasa ila, a tha awm e.

Kum 1984-a Kohhrana harhna ropui tak thleng khan kohhran mipui rilru-ah Chanchin Tha la hre lote hnena puan châkna a thlen nasa hle a. Kum 1985 kum tira Kohhran Committee chuan Synod Mission Board hriatpuia kan kohhran mi missuionary-a tirh chhuah zai a rel ta a. Missionary-a inpe duh tan Khatla Kohhranin Ramthara thawk tûr mi tirhchhuah a duh thu puanzâr a ni. Mi 5 rawn inpein May 1985-ah lâk fel an ni ta a. An awmna hmun an pan hmam thla hnih chung Damdawi lam leh Pathian thua

training pêk an ni a. Tichuan heng kan missionary-te hi ni 7 July 1985 (Pathianni) zanah Biak Inah urhsun takin thlahna hun neih a ni a. He thlahna inkhawmah hian kan Bial chung

kohhran zawng zawng tel tûra sawm an ni. Tichuan July 1985-ah kan missionary-te chu an thawhna hmun tûrah tîrh chhuah an ni ta a. Hetiangin:-

| Hming | Pa hming | Thawhna hmun | Chhuah ni |
|----------------------|-----------------|---------------------|------------------|
| 1. Tv. Daniela | Darlawma | Manipur Field | 11.7.1985 |
| 2. Tv.F.Lalmuanpuia | F. Pazawna | Karbi Anglong | 16.7.1985 |
| 3. Tv.Lalthantluanga | Hualthanchhunga | - do - | 16.7.1985 |
| 4. Nl. Lalramzauvi | C.Lalthanga | - do - | 16.7.1985 |
| 5. Nl. Vanggaii | Zubana | - do - | 16.7.1985 |

Kalkawng man hetiangin pêk an ni: Manipur-a kal Rs 200/-; Karbi Anglonga kal Rs 160/- theuh. Tin, July '85 chungung an inenkawl nan Rs 500/- theuh pêk an ni a. Hlawh erawh chu Synod Pay Scale zulzuia pêk tûra ruahman a ni. Heng kan missionary-te chhuah kum aţanga chhiarin July 2010 hi kum 25-na Silver Jubilee a lo ni ta a. Missionary tîrh chhuah Silver Jubilee Kohhranin kan lo lawm thei ta a ni.

Minister hmun danga awm mi 3 te an lo hawng thei a ni. Ni 6th July, 2010 (Thawhlehi) zanah Rev. Lalzuthanga, Executive Secretary, i/c Mission-in Jubilee hawngin Pathian thuchah a sawi a. Zan tin kan inkhawm a, kan missionary lo chhuakte hnen aţangin sermon leh an rawngbawlna report ngaihnaawm tak tak kan ngaithla thin. Tin, inkhawm bân apiangin inpawlhonaah report ngaihlhâk thin a ni bawk. Inrinni zan aţanga Pathianni zan thlengin Rev. Zosangliana Colney hnen aţangin Pathian thuchah kan ngaithla thin.

He hun hmang tûr hian kan kohhran aţanga missionary-a chhuak tawh zawng zawngte leh an kawppuite kan sawm a, an lo kalna leh hawna man tûr TA/DA kohhranin kan tumsak bawk. Missionary 14 leh

Ni 10th July, 2010 (Inrinni) Dar 11:00-ah Jubilee Hriatrenga (Monument) Upa

S.T Rualyapa'n a hawngin Dar 11:30-ah Biak Inah kan inkhawm zui a, tlaiah kohhran member-te'n hlim takin Jubilee ruai kan theh. Bawng 2 leh vawk 2 talh a ni a. Ar 40kg leh sangha 2kg siam tel a ni baw. Ruai kiltu zawng zawng hi mi 1610 kan ni. Kan sawm angin Silver Jubilee hi kan kohhran member ni thin hmun danga awm tate leh hmun danga rawngbawla awm mək te, kan Bial chhung kohhranho te'n minrawn hmanpui hlawm a, a hlimawm hle a ni.

Kan Silver Jubilee denchhen hian kohhran chhungkua 36-te missionary chawm tûrin an inpêk belh a, heng chhungkaw 36-te missionary chawm belh tûr zât hi 56 lai a ni a, kan lawm tak meuh a ni. Tichuan Khatla kohhran missionary chawm zât chu 216 a lo tling ve ta a ni. Kan Jubilee lawm hian kohhran min tipumkhatin min tițangrual hle a. Jubilee lawmna tûr atan hian KTP te'n Rs 20,000/-, Kohhran Hmeichhia te'n Rs 30,000/- leh Masihi Sangati te'n Rs 10,000/- anrawn thawh a, lawmawm kan ti hle. Inkhawm ve remchang lo, mi tam zawkin kan programme te in lam ațanga an lo thlir ve

theih nan Zonet (E.Z Vision) Leh LPS (R.T.Z Vision) te'n kan programme zawng zawng live-in an pe chhuak baw a ni.

Kohhran puitling kan nih ațanga kum hnihna 1970 ațangin Khatla Kohhran hian Ramthar rawngbawlna lamah ke a pên tan a. Pathian hruaina zarah kum 40 a lo nih meuh chuan Pathian tanpuinain ramthar lama rawngbawlna chanchin ngaihnaawm tak sawi tûr kan lo nei ve ta reng mai. Ramthar lam hawia thurel leh hmalak dan record kan hmuh theih ang angete la khawmin lehkhabu **Khatla Kohhran Ramthar Rawngbawlna Chanchin (1968-2010)** phek 190-1 chhah siam a ni a. Zirtawp zan inkhawmah Bialtu Pastor K. Lalrongheta'n a tlangzarh a ni. He lehkhabu-ah hian Ramthar lam hawia Khatla Kohhran hmalak dan tlangpui leh kohhran committee thurel, minute bu-a langte chu tidanglam lovin a ngai ngaia dah a ni hlawm a. A ngaihnaawm viau loh pawhin ramthar lama kohhran hmalak dan zir Chiang a, research la ti tûrte tân lehkhabu țangkai tak a nih ngei a beiseiawm.

Missionary Tirthchhuah Silver Jubilee kan lawmna atana kan sum hman dan hetiang hi a ni:

| | | | |
|----------------------------|---|-----------|--------------------|
| 1. Sanitation | - | Rs | 30,180.00 |
| 2. Usher & Reception | - | Rs | 1,000.00 |
| 3. Hnatlang Thingpui | - | Rs | 3,757.00 |
| 4. Monument | - | Rs | 5,150.00 |
| 5. Information & Publicity | - | Rs | 4,940.00 |
| 6. Refreshment | - | Rs | 29,450.00 |
| 7. Missionary T.A/D.A | - | Rs | 1,23,590.00 |
| 8. Decoration | - | Rs | 28,899.00 |
| 9. Rawngbawlna chanchin | - | Rs | 40,000.00 |
| 10. Ruai | - | Rs | 1,66,744.00 |
| Total | - | Rs | 4,06,710.00 |

A tawp berah chuan missionary tirthchhuah Silver Jubilee hi lawm ngai a nih leh nih loh pawh ngaihtuah lutuk lovin kan han lawm ve rawih mai a; mi tih dan leh tih loh dan pawh entawn tûr kan hre na hek lo. Hei hi erawh kan chiang - he khawvela hna ropui ber Chanchin Ṭha hrilh darhnaah hian Lalpa'n chanvo min pe ve a, hetiang hun min hruai thleng

hi kan lawm êm a ni! Lalpa'n min awmpui a, Kohhranin a beisei ang ngeiin he Jubilee programme hian ramthar rawngbawlna lamah kohhranho rilru a tithar a, kan la sawtpui dawn chauh niin kan hria. Kan jubilee lawm hi jubilee dangdai tak a nih avangin tute emaw talin in lo sâwtpui hlauh tâkin kan rawn târlang ve a ni e. Kan Lal Isua'n ropuina chang rawh se.

RAWNGBAWL NANA THILPEK PETUTE (*Chhunzawmna*)

336. *Vaivakawn Kohhran* - Tripura Field Kolachhora Biala
Twisakhapur Koh. Biak In chung tûr lei nan
- Rs 16,200.00
337. *Phaisen Kohhran* - Assam Field Biswanath Chariati-a thawktu
Cycle lei nan - Rs 5,000.00
338. *Pu David Zohmangaiha (Silver Hawk YCA) Republic Veng,*
Aizawl-in H/M 'S'-a Parva I Mission School hman atan
- Zirlaibu & Exercise book
339. *Serchhip Vengchung Bial Koh. Hmeichhia* - Arunachal 'W'
Field Kararamu Biak In siam that nan - Rs 5,000.00
340. *Dawrpui Koh. Ramthar Comt. (Pathianni vawi I sa ei ai an*
pêk) -Arunachal 'E' Field-in a tûl apianga an hman atan
- Rs 24,792.00
341. *Khawruhlian Vengthar Br. KTP* - H/M 'S' Parva I Kohhranin
an hman atan - Guitar - 1
342. *Serchhip Kawnpui Br. KTP* - Tripura Field-a Kalachhora Bial
Kohhran tan - Khuangtê - 5
343. *Chanmari Koh. Ramthar Comt.* - (1) Lucknow Field-a Miranpur
Biak In sak nan - Rs 55,000.00
(2) Nepal Field-a Manahari Biak In mamawh lei nan
- Rs 45,000.00
344. *Ramhlun 'S' Kohhran* - (1) Arunachal 'W' Field-a Trijino Biak
In sak tanpui nan - Rs 40,000.00
(2) Siliguri Field-a Biak In electric wiring nan
- Rs 40,000.00
(3) Arunachal 'E' Field-a Teen Ali Biak In sak nan
- Rs 40,000.00
(4) Lucknow Field-a Miranpur Biak In sak nan
- Rs 40,000.00

345. *Pu C. Lalsangzuala, Madanrting, Shillong* - A ÷ul apianga hman atan
- Rs 500.00
346. *T. Zarema, Champhai Kahrawt* - Barak Area Pailapool Meitei Koh. Dâr
lei nan
- Rs 5,000.00
347. *Electric Veng Koh. Ramthar Comt.* - Tripura Field-a Wairengto Biak In
sak nan
- Rs 30,000.00
348. *Khatla 'N' Kohhran* - Tripura Field-a Khumulung Biak In thli tihchhiat
siam ðat nan
- Rs 5,000.00
349. *Biate Bial Koh. Hmeichhia* - A ÷ul apianga hman atan
- Rs 1,000.00
350. *Durtlang Kohhran* - Arunachal 'W' Field-a Pegging Bote Kohhran Biak
In sak nan
- Rs 15,000.00
351. *Saitual Pastor Bial Koh. Hmeichhia* - Tripura Field-a rawngbawlna ÷ul apianga
hman atan
- Rs 5,000.00
352. *Tuikual 'S' Koh. Ramthar Comt.* - Tripura Field Udaipur Biala Sukmohan Koh.
Biak In sak nan
- Rs 10,000.00
353. *Dawrpui Vengthar Koh.* - Arunachal 'W' Field-a Boleng Bial Biak In sak
nan
- Rs 10,000.00
354. *Pu Khawtinthanga te chhung, Dinthar, Aizawl* - Nepal Field-a Bahundangi
Biak In sak ðanpui nan
- Rs 1,000.00
355. *Chanmari Br. KTP* - Karbi Field Jengkha Biak In sak chhunzawm nan
- Rs 30,000.00
356. *Barapani Kohhran* - Tripura Field-a Gondaek Kohhran Biak In sak ðanpui
nan
- Rs 1,000.00
357. *Venghlui Kohhran* - Arunachal 'W' Field-a Boleng Bial Crusade neih
nan
- Rs 50,000.00
358. *Dawrpui Koh. Ramthar Comt.* - Barak Area-a Bahadurgram Biak In leh
Qtrs. inkar chhun hna thawh nan
- Rs 20,000.00
359. *Khawhai Pastor Bial Koh. Hmeichhia* - Karbi Field Koilamati Biala.
Sotiana Biak In thli tihchhiat siam nan
- Rs 5,000.00

KUM 2010 ATAN RAMTHAR LAKSAKTUTE*(Chunzawmna)*

82. New Serchhip Koh. Ramthar Comt. Bu 50 Dt. 01/06/2010
83. Pi Thanhnuni, Champhai Vengthlang Bu 1 Dt. 25/08/2010
84. Pu Lalfakawma, Selesih Bu 4 Dt. 23/10/2010
85. Pu Lalhmachhuana, Selam Bu 3 Dt. 25/10/2010
86. Pu L.B Sanga, Selam Bu 1 Dt. 28/10/2010
87. Chanmari West kohhran Bu 57 Dt. 01/11/2010
(Chanmari West-in kum 2010 atan Ramthar an lâksak tawh zawng zawng chu bu 257 a ni ta.)
88. Vaphai Kohhran Ramthar Committee Bu 4 Dt. 09/11/2010
 Pathian tana inphal taka thilpêk petute, Kohhran leh mi mal hnenah lawmthu kan sawi nawn leh e.

**RAMTHAR CHANCHINBU CHHIARTU
 ZAWNG ZAWNG
 KRISMAS LEH KUMTHAR
 CHIBAI U LE**

SYNOD BOOKROOM BOOK NEWS

Postal Regn. No. MZR/46/2009-2011
RNI Regn. No. 40380/88

1. In chhngkua in dam tl^ng em? :

"Ka nupui tlan ka koh haw hnu chuan zanah ka len chhuahsan ngai tawh lo va. Ka nupui fanaute aia thlakhlelh ka nei ta lo..." tia chhngkaw piantharna atana miten an lo hman lehkhabu, R. Vanlalzauva'n kohhran thahnem taka sermon hmanga a lo tlangaupui tawh chu a buin a lo chhuak ta. Aman Rs. 60.

2. **Tuar t<rin Lalpan min ko** : "P>n r'u, p>n r'u" tih hla phuahtu Pu Thangzaliana chuan Mizoram thim lai bera Chanchin Tha a vahvaihpui dan leh a tuar phah nasatzia a rawn pho chhuak a. He Missionary ropui chanchin hi Ramthar rawngbawlna lama tui mite tan hmaih phal chi a ni lo. Aman Rs. 60.

3. **Khalil Gibran-a thute** : Romania leh Brazil-ah chuan he pa hriat rengna tur hi sawrkarin a siam tawp mai a. Lebanon, USA leh Canada-ah khuan amah hriat rengna thil lian tham tak tak siam a ni baw. Kum 2007-a New York khawpuia Khalil Gibran International Public High School an dinah phei chuan tawng hrang 67 laiin zirtirna an pe chhuak. Chutiang khawpa thu leh hlaa mi ropui thu leh hla, C.H. Thangkuma lehlin chu lo hmelhriat ve teh reng. Aman Rs. 70.

From :
Manager
Ramthar, Synod Office
Aizawl - 796 001,
Mizoram, India
Phone : 2325899

RAMTHAR
(Mission)

To

*Published by Rev. Lalchuanmawia and Printed at the
Synod Press, Aizawl on behalf of Ramthar Association,
Aizawl, Mizoram. Copies - 22,200*

Visit us : www.mizoramsynod.org